



## DŽIWNUŠKI JE

č. 14

- štóž na jednu nohu chromi
- štóž móže kuzlač
- štóž ma w twojich wočach spodźiwne zwučenosće abo nahlady

Prawa je wotmołwa **c**.

*Hdyž wo někim prajiš, zo je dźiwnuški, měniš to tróšku wothódnoćejo. Njerozumiš jeho zwučenosće a jeho nahlady su dospołnje hinaše hač twoje. Hdyž prajiš, zo je něšto dźiwnuške, zdawa so ci to spodźiwne, njezwučene a njeznate.*

### Takle móžeš tež prajić:

- dźiwny, wašničkojty, swojorazny, wonajki
- ptačka měć (swojowólne ideje měć), klepnjeny być

### Připódlu prajene:

Čłowjekej, kotrehož mamy za dźiwnuškeho, móžemy rjec dźiwnušk, spodźiwny kmótr, dźiwna hlójkca a podobne. Ale sprawdu prajene: Njeje tež wočerstwajace a wuswobodžace, hdyž maja će druzy za dźiwnuškeho? Potom njetrjebaš so stajnje wočakowanjam druhich přiměrjeć. A nimo toho: Džakowano dźiwnuškam je swět pisaniši.

### Přikłady z rěčneho korpusa:

Italska chce wěste k Awstriskej slušace krajiny měć a to tohodla, dokelž w nich z wjetša Italscy bydla. To drje je trochu *dźiwnuška* přičina, ale Awstriska chce tola, zo bychu počahi mjez woběmaj krajomaj dobre wostałe, Italskej k woli być.

(Katolski Posoł 1915)

Nó haj, kusk *dźiwnuška* wšak wona přeco běše. (Fijałkojty čas. Budyšin 1996)

Běše jara *dźiwnuški* zdrasćeny a wšitkim měščanam, wot hólčiskow na hasy hač k ministram znaty: kuzłar a knježi błazn Józef Fröhlich to bě ... (J. I. Kraszewski, Hrabina Kozelska. Budyšin 1956)